

*Vat. 300.
Georgii Ernesti Stahl
300*

24. 300

Vat. 300.

GEORGII ERNESTI STAHL,
D. PROF. PUBL. ORDIN. h.t. FACULT.
DECANI.

PROPEMPTICON INAUGURALE
DE
MORBIS CON-
TUMACIBUS.



1162.

1618



T multa alia præclare prosplexit, & luculentis monumentis indigitata reliquit Hippocrates, quæ ad Universæ Medicæ Artis scientificam elucidationem pertinere videntur; Ita Physicæ quoque Scientiæ, quantum ad Humanam Naturam, ejusque genuinam Historiam, summum, imò unicum fundamentum, è Medicâ Arte unice expectandum esse, sanè non minus prudenter perspexit: Unde Lib. de priscâ Medicinâ, monitum illud atque effatum notatu dignissimum consignavit, νομίσω δε ὅτι περὶ Φύσιος γνῶναι τι ταφεῖς, ὀδαμόθεν ἄλλοθεν ἔται ή εξ ἵπτειν. Τέτο δε οἷον τε καταμαθεῖν, ὅταν αὐτὴν τις την ἵπτειν ορθῶς πάσαν περιλάβῃ. i. e. Censeo vero, quod de Naturâ (Hominis) manifestum quidpiam statuere, non aliunde possibile fuerit, quam ex arte Medicâ: Quod quidem facile erit percipere, si quis ipsam Artē Medicam universam probè complexus fuerit.

Profectò, si quisquam est, qui manifestissimas ilias, mutuas & reciprocas alterationes, quæ circâ Motus, sensus, voluntatem, & intellectum, frunt; Et non tam in statu quieto sive ~~sane~~, quam concusso, commoto, exagitato, maxime sese sistunt, vel leviter cognoverit atque perpenderit: ille Veritatem, & profundissimam certitudinem hujus assertionis non poterit diffiteri.

Cum enim in deviante præcipue statu Corporis, ut primo Medicæ considerationis subjecto, seie exferant præsentissimæ istæ alterationes Motuum Vitalium, quæ ab animi seu intellectus perturbationibus immediatè nascuntur: Et è converso, animi quoq; & ipsius intellectus debilitaciones, à variis Corporeis læsionibus, quasi pressis vestigiis introductæ, hîc ibidem maximè occurrant: Me-

dica-

dicarum quidem harum rerum peritus, non potest non agnoscere, insignes illos *nexus* inter *Corpus* & *Animum*, & consensum præsentissimum inter omnes *Motus*, eorumque ordinem, & vigorem, & intentionem; Quisquis verò eadem perspecta non habet, non potest utique, nisi è mancā notitia falsas deinde subsumptiones & opiniones colligere.

Quemadmodum verò prolixè, & per digniores apices, hujus Veritatis demonstrationem deducere, instituti mei ratio jam non permittit; Ita saltem illud adhuc in dicto allegato nervosè notatum tango, quod Divus senex, ad Philosophico-Scientificam hujusmodi cognitionem: Universæ Medicinæ rectam & exactam comprehensionem. & universæ ejus ambitus amplexationem, supponat.

Ubi nempe, sicut in genere: *Imperitiam alius est thesaurus*, & *malum cimelium possidenti ipsam, οὐαὶ καὶ ὑπάρχει, undique, juxtā eundem Hippocr.* in *Lege*: Ita hic quoque, ad *Scientiam de Natura Hominis* obtainendam, non Medicinæ modò aliquali cognitione, opus & usus est: sed ὅταν αὐτὴν τις οὕτως πάσαν περιλάβῃ, ut ipsam rectè, & universam quidem, & quasi *universum ejus ambitum, circumcircā, undique & undique*, complectatur.

E tali enim *Experientia* deum, nascitur sufficiens cognitio omnium illarum circumstantiarum, è quarum sollicita comparatione, & dependentia mutuæ examine, *scientificam* rei cognitionem adipisci licet.

Hac itaque *Methodo*, & ad hancce normam, antē omnia considerare & evolvere oportet, ipsorum *Morborum* conditions; Inter quas, cum haud sanè postrema sit, *Contumacia* & *pertinacia* illa, qvā modō durare solent & diu *continuare*, modō *repullulare* & *recrudescere*, modō in aliam faciem aut speciem *transformari*, modō alia nova incommoda vel generare, vel provocare: Operæ sanè precium' ingens fore arbitror, si condigne & circumspicte, harum re-

rum rationes pervestigarentur, & mutuæ dependentiæ variorum hujusmodi *pertinaciam* affectuum, annotarentur: Sed cum prolixo operis, demonstrationis & illustrationis diffusæ, illud sit negotium, impræsentiarum quidem illud in nos suscipere non licet: Libabimus tamen summos veluti apices, & quid de iis nobis succurrerit, proferemus.

*Acu*i* Morbi, Febres, acutæ, Apoplexia, Lethargus, Convulsiones, Sphacelus, Catarrhus suffocatus, &c. contumaciam non exserunt; Neqvè enim vel diu durant, vel sœpe repullulant; Sed Febres Intermittentes, & præcipue Quartana, Hectica quoquè, id faciunt.*

Reliqui verò, qui etiam inde ferè appellari consueverunt *Chronici*, *Morbi*, & *duracione* diuturniore, & *frequenti* atq; *facili* repullulatione, hanc utiq; tribum maximè constituent: *Cephalalgia*, *Odintalgia*, *Hemicrania*, *Catarrhi*, *Auditus lesiones*, *Tusses*, *Asthmatides*, *Raucedines*, *Pthyses*, *Alvi modò siccitates*, *modò lubricitas*, *Hysterice*, *Nephritis*, *Calculos & passiones*: *Hydrops*, *Hemorrhoidum fluxus & vitia*: *Gonagra*, *Podagra*, *Arthritides*, *modò fixæ*, *modò vagæ*, *Epileptici insultus*, *Paralyses*, *Contractura*, *Aridura*, *Fistulae*, *Oedema*, *Scirrhæ*, &c.

Hos omnes, si ad summam quædam genera reducimus, deprehendimus, quod, vel in *Inflammatoriis*, aut gravissimè *distensoriis Stagnationibus*, *Sanguinis*: Vel in *Colatorum Principaliorum obstruktione*, aut *corrozione & ulceratione*: Vel in *Motibus Spasmodicis* in genere: Vel in *affectionibus*, ut talibus, *in Specie*, consistant.

Qui *Inflammatoriæ & Distensoriæ Stagnationem Sanguinis*, pro causâ agnoscunt, pendent vel à *quantitate* ejus, vel *qualitate*; *Utrabiliter*, quasi *formaliter*, quatenus noxam constituit, læditur in *Motu*.

Motus qui *quantitatem Sanguinis nimiam* sequuntur, sunt vel *acti*ve *congestori*, vel *passi*ve *statarii & defectivi*, seu *Motuum sufflaminationes*.

Con-

Congestorii, spectant ultimo ad *Evacuationes Hemorrhagicas*, & fiunt proinde circùm & versus *Emunctoria Hemorrhagica*.

Sufflaminations Motuum, sive à quantitate nimis precipitanter congesta, sive à Spissitudine qualitatis vitiosæ, inferunt ferè illas secundo loco dictas *Colatoriorum Principaliorum obstructiones*: Aut corruptione accedente, eorundem ulcerationes.

Non tamen æquè Sanguinis puræ stases, sive progressus illius *sufflaminations* sinceræ, hic notari merentur; Siquidem è Sanguinis puristass, acuta potius & præcipitia mala nascuntur: Sed seroso-lymphaticarum αποσάσεων dampna. Quæ modò *Catarrhales*, *Tussiculosas*, *Catharticas*, turbas, modò *Hydropico-ædematosæ* incommoda, progenerant.

Spasmodicorum Motuum latissimè patet Campus. Omnes enim illi *Motus*, quos paulò antè *activos* appellavimus; Et omnes *Affuetitii Motus*, pendent unicè ab hoc genere.

Fiunt sane *Spasmodici Motus* perpetuò *Actives*, & habent semper aliquem, non penitus *inutilem*, finem: *Tempos*, *gradus*, *frequentia*, sunt istæ circumstantiæ, in quibus impingitur.

Affuetatio verò, est ingens illud scandalum, quod non modò *Theoriam*, sed *Praxin* præcipue, summopere ludit, & attentionem perspicacissimam requirit.

Profectò omnium *Contumacium* morborum materialis causæ, quantumcunque sint importunæ, nuspam tamèn & nunquam tantum possunt, nisi in solis *Stasisbus*; Imò potius in *ruptionibus*, aut *corruptionibus* jamjam subsecutis.

Extrà hoc verò, longè plurimum & possunt, & solent etiam, *Contumaciam* Morborum fovere, imò constituere, *Affuetiones* ipsæ *Motuum*.

In hâc enim *Affuetudine* præcipue, fundatae sunt *recrudescētiae* illæ & exacerbationes variarum *congestionum*, dolo-

rum, Spasmorum, excusionum; Quæ cum alias quievissent, nequè ad causæ suæ Materialis præsentiam exarsissent: Accedente levi commotione animi, aut alteratione sensus, repetuntur è vestigio soliti Motus, & turbulenter, aut ad minimum impetu consueto, peraguntur: Licet maximè nulla proportionata quantitas materie, quæ illos mereretur, præstò sit: Imò, sicut non raro tantò pertinaciùs quanto ming habent, in quod agant, & in quo veluti consumantur.

Versantur autem hæ Assufactiones, partim circà generalem aliquem Motum, partim circà specialem, in organo & parte speciali.

Prioris generis, sunt variae Excretiones Sangvineæ & Motuum molimina eò tendentia; quæ cum primis etatibus circà superiora, caput, Nares, fauces, pectus, tetendissent: Provehente Etate circà inferiora, Renes, Hæmorrhoides, crura varicosa, instituuntur: Nempe in genere circà generale suum objectum, Excretionem sanguinis, occupati, licet ad illum certum locum nondum assueti.

Posteriores, sunt v.g. molimina talia, vel circà easdem, partes atq; actiones: Vel circà conjugatas ad minimum. Exemplo fit (1) abortus foeminarum sangvinearum, qui frequentissimè pluribus vicibus deinceps, & cùd semper septimanâ gestationis, & iisdem plane Symptomatibus, contingit. (2) Hypochondriaco-Hysterico-Cephalica pathemata, ex vasorum, & Nervorum, communione, nempe vene porte, & Nervi paris vagi: Excretionibus menstruis, Lochialibus, Hæmorrhoidalibus internis, assuefactis, succendentia.

Plurimum verò possunt ad contumaciam hujus capitis, nempe ab Assufactione, memoria & intentione ἀφαντασῃ, Hæreditaria dispositio, & Astrales ἐπιφανεῖαι; Scandala illa omnis curiositatis, & sciolis intellectus Humani, quæ omnes Nasutos nasci suspendunt adunco. Quas quidem negare, solita est & trita valde via, sed Ponti illi Logico confinis, cuius odiosum est nomen: Prædicti enim statim inde sciunt, quæ sit talis Hominis Experientia, & consequenter ratio.

Dico itaque, & concludo breviter, quod Contumacium Morborum Causæ, posint quidem in viarum quoque, adeoque Motus passivi vitiis interdum contingere: Soleant verò perfrequenter, magis in Motus Activi, assuefacti, spasmodi, exacerbationibus fundari: Qui Materialiter seu Subjecti ratione, communiter sanguinis ali-

BIBL. J.

aliquam exundantiam sequitur: *Effe*tive** vero, vel à multâ reperi*tione* & hujus generis *Exercitio*, vel ab *Hereditariâ* impressione, vel ab *Astrali* interdum conturbatione, inducatur.

Ubi, uti ad curam eorum, requiritur, ut *longinquarum* harum causarum, non modò luculenta cognitio, sed & proportionata ad resistendum *Methodus*, instituatur: Ita quid sine his sub*sidis* fieri soleat, quantum à Morborum *contumacium percuratione* absimus, solum exacerbationum mitigatione contenti, docet dies.

HÆMORRHOIDALIUM MOTUUM externorum *contumacissimos Spasmodicos effectus*, Nephritico-Ischiadico-Gonagra-*co-Podagrico-Contractorios Spasmos*, è fonte suo eruere, ag-*gressus est Vir Juvenis Doctissimus*

HERMANNUS PAULUS JUCH / Erfurtensis,
Medicinæ Candidatus dignissimus,

De cujus natalibus, vitâ, moribus studiisque laudabiliter actis, publicam notitiam esse decet. Natus ille est Erfurti, Antiquâ & præcipuâ Thuringiæ Urbe; Lucem aspexit anno MDCLXXVI. Mensè Septembri. Pater, Vir Excell: Ampliss. Experientiss. Dom. PAULUS HENRICUS JUCH, Dn. PAULI JUCH, M. D. Archiatri Moguntini, & Erfurtensis Practici famigeratissimi, jamdum beati, Filius, Philos. & Med. Doctor, Practicus celeberrimus. Mater, BARBARA HEITMANNIA, Dn. HERMANNI HEITMANN Senatoris, & Prætoris Militaris Eleitoralis in Urbe, cuius ad memoriam celebris perennat fama, Filia, Matrona omnibus virtutibus laudatissima. Hi Parentes optimi, cum à teneris unguiculis, pietatis, probitatis, docilitatis, modestiæ, sobrietatis studio, Filium mancipassent; Ita Privatis Informationibus, quarum ibi per frequentiam Academicam locuples est commoditas, ad altiores Disciplinas præpararunt, deinde in Philosophicis Logico-Metaphysicis à Dn. M. STENERO, P.P. in Physicis à Dn. M. KISLINGIO, P.P. solidissimam haufit institutionem. Disputationem quoq; publicâ de Pluviis prodigiosis ibidem defendit. His subsidiis instructum, Theoriâ Medicâ, Practicis Exemplis perennib; subnixâ, imbuit ipse Dn. Parens, laudabili

pror-

prorsus industriā, & sterilibus multis circā studium Medicum nūgamentis, vindicatum sibimet ipsi Filium, solidis & expertis fundamentis imbuendi. Admovit eundem frequentibus Anatomīcis, & Chirurgico-Judicialibus Scrutiniis atq; Sectionibus : Adhibuit operationibus Chymico-Pharmacevticis, in officinā Splendida, quam instructam ipsemet habet publicam. Ita institutum, misit per aliquod tempus in Jenensem Academiā, ubi publicis Celeberrimorum Professorum Commentationibus sedulō adstitit, ex iisque profectus suos locupletare cordi habuit: Tandem antē annum fere, Illustri nostræ FRIDERICIANÆ eundem destinavit; Ubi profectò talem sese præstítit, quales omnes qui Studium hoc præsequuntur, esse velimus: Solerter, assiduum, sagacem, doctum, peritum. Collegium Chymicum, & Experimentale Physicum Curiosum Excell. D. D. HOFMANNI assiduè audivit. Me Casus Practicos, deinde Chirurgicos quoq; , deniq; Chymiam, tradentem, diligentissimè sectatus est, & tam Theoriz quam Praxeos solida fundamenta partim exhibuit suis elaborationibus , partim suscepit. Disputationem Academicam sub meo Præsidio, de INFREQUENTIA MORBORUM, strenuè ventilavit : Defendit, etiam aliam De ARTHRITIDE, Nobilis, & Experientissimi D. D. WERKMEISTERI, Practici solertissimi, Præsidio. His ita feliciter gestis, monitu Dn. Parentis ad Honores Juraq; & Privilegia , quæ Ars nostra dignis tribuit , respicere suscepit: Aperuit honestum suum desiderium FACULTATI nostræ, quæ legitimam viā indicavit, per Examinum & Speciminum soleñium Experimenta atq; documenta. Subiit alacris, & decurrit hoc stadium dexterim à sorte: Probavit, inquam, profectus laudatissimos. Habebit Virtuti præmium. Publicum Specimen INAUGURALE, de MOTU SANGUINIS HÆMORRHODALI, sub nostro Præsidio, die Veneris xviii. Martii, exhibebit. Ad quem Actum Soleñiem Magnificum Dominum Pro-Rectorem, Excellentissimos Academiz Proceres, Illustrissimos, Illustres, Generosos, Clarissimos Hœspites, Fautores, Cultores, officiosissimè & humanissimè invito.

P.P. Sub sigillo Facultatis Idibus Martiis,

M DC XCVIII.

(L. S.)

